

Paerewa Paetae

Aronga	Te Reo Rangatira 1.10				
Ingoa	Te whakamahi rautaki rangahau				
Kaupae	1	Whiwhinga	3	Aromatawai	Ā-roto
Marau akoranga	Te Marautanga o Aotearoa				
Kokonga akoranga	Te Reo Rangatira				
Mana rēhita	Kua rēhitatia	Te rā i mana ai	12 Hakihea 2013		
Te rā e arotakengia ai	31 Hakihea 2019	Te rā i puta ai	12 Hakihea 2013		

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

ā-Tā, Rautaki Reo

3 *Ka whakahiatō, ka āta arohaehae i ngā kohinga hei rautaki whakaotī rangahau.*

ā-Tā, Rautaki Reo

4 *Ka arohaehae i ngā rautaki pānui e hāngai ana ki ngā take whānui.*

E hono ana ki te Papa Whakaako mō Te Reo Māori kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Paerewa Paetae

Paetae Te whakamahi rautaki rangahau.	Hei tohu i te paetae: <ul style="list-style-type: none"> • Ka kōwhiri i tētahi kaupapa whaitake rānei, tētahi pātai whaitake rānei hei rangahau. • Ka tautohu i ētahi rautaki rangahau me ētahi rautaki pānui kia tutuki ai te mahi rangahau. • Ka tautohu i ngā rauemi hei tautoko i te rangahau. • Ka whakatakoto i te tukanga rangahau kia oti te rangahau.
Kaiaka He kaiaka te whakamahi rautaki rangahau.	Hei tohu i te kaiaka: <ul style="list-style-type: none"> • Ka whakamārama i te whaitake o te kaupapa. • Ka mārama ki ngā rautaki rangahau me ngā rautaki pānui. • Ka āta whakarite i te rārangī rauemi. • He arorau te tukanga rangahau.
Kairangi He kairangi te whakamahi rautaki rangahau.	Hei tohu i te kairangi: <ul style="list-style-type: none"> • Ka whaihua te whakamārama i te whaitake o te kaupapa. • Ka hāngai ngā rautaki rangahau me ngā rautaki pānui ki te momo rangahau. • Ka whakarite i te rārangī rauemi i runga anō i te āhua o ngā tikanga rangahau. • He whaihua te tukanga rangahau.

Kōrero Āpiti

1 E whai ake nei ko te whakamāramatanga o ngā kupu whaitake, kīanga rānei:

tukanga rangahau	Ko te kohikohi, ko te hopu, ko te tātari i ngā kōrero, ko te whakatau me te whakaatu i ngā kitenga.
kaupapa whaitake, pātai whaitake	He kaupapa tūturu, he kaupapa whaikiko (he pātai tūturu, he pātai whaikiko rānei), kāore e mōhiotia te whakautu i te tīmatanga o te rangahau, kāore e whakautua ki te 'āe', ki te 'kāo' rānei.

- 2 Ko te kaupapa ka rangahaua, he kaupapa reo: reo ā-waha, reo ā-tuhi, wetewete reo, reo ā-iwi rānei. Nō roto i ngā mahi e tika ana kia āta kitea ngā rautaki rangahau e whakamahia ana.
- 3 Kia whānui ngā momo rautaki pānui ka whakamahia e te ākonga: te whakamahi i ngā papakupu; te pānui hei kimi pārongo whāiti; te whakakotahi mōhio ki te horopaki, ki ngā kupu, ki ngā whakatakoto; te tuhi whakaahua (hei tauira: ngā hoahoa, te mahere whakahiatō whakaaro) ki te hīkarō i te tikanga o te kōrero; te whakarāpopoto, te tuhi anō i ngā whakaaro matua me ngā whakaaro tautoko ki āna ake kupu.
- 4 Ko ētahi o ngā rautaki rangahau i tēnei paerewa ko te whakamahi i ngā rauemi rangahau, ko te uiui, ko te tiro whānui, ko te whakamātau ariā.

Kuputaka:

ariā	ideas/hypotheses
arorau	logical
āta whakarite	explicitly prepare
hīkaro	infer
rauemī rangahau	research resources and tools
tātari	analyse
tiro whānui	survey
tukanga	process
whaihua	effective
whakahiato	collate
whakamātau ariā	test ideas

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromataawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromataawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233